

նրան շփոթատակելուց: Հիվանդութիւնը կարող էր առաջացած լինել նաև քաղկէդից կամ հալէբից, որոնք առհասարակ ամեն առիթով շտապում են վնասել մարդուն: Հիվանդութեան դեմ մաքառելու համար, բացի դեղերից, որոնց զորութիւնը դարերի փորձով ապացուցված էր, ավելի ազդու էին համարվում մագիկ միջոցառումները:

Հիվանդութիւնը կարելի էր մի կեղտի պես լվանալ—գերեզմանի վրա, սուրբ աղբյուրի մոտ, մսի վրա, իսկ քառասունքակոխ երեխային, ծանր ոտքի ելնողին, հում միս ներս բերելուց հիվանդացած երեխային՝ մսի վրա: Ողջիում՝ կուփված երեխային յոթ գդալ ջրով, գյուղի հիվանդներին, ննջեցյալի լողացնելուց ավելացած ջրով:

Քիչ կաթ ունեցող մոր հիվանդութիւնը կարելի էր լվանալ՝ տանելով այդ կնոջը Սրփ Մրաիրիսի քրտակից ոչ հեռու բխող աղբյուրի մոտ, լվանալ նրա ստինքները աղբյուրի ջրով և մոմ վառելով՝ ստանալ կաթի բնական առատութիւնը:

Վախը կարելի էր ջրով լվանալ: Վախ օճօխ՝ ունեցող մարդու հետ թաղվում էր նաև նրա վախկոտութիւնը: Կենդանութեան ժամանակ վախկոտութեամբ աչքի ընկած մարդու գերեզմանի մոտ էին բերում վախից հիվանդացածին: Գերեզմանաքարի վրա շինած փոսիկից կամ այդ քարի վրա միառժամանակ դրած ամանից ջուր էին վերցնում և այդ ջուրը հիվանդի գլխին ու կոնակին՝ թիակների միջև ածում: Այդ ջրով նրա կուրծքը, երբեմն նաև երեսըն ու ձեռները լվանում, այնպես որ ջուրը թափվի գերեզմանի վրա կամ մոտը, այն ենթադրութեամբ, որ այդ գերեզմանի մեջ թաղված վախկոտութիւնն ավելի դուրին կարող էր իր մոտ քաշել նաև հիվանդի վախը:

Վախից հիվանդացածին տանում էին կայծակից մահացածի գերեզմանի մոտ, մի աման ջուր դնում այդ գերեզմանի վրա, հիվանդացածը երեք անգամ կռանում և խմում էր այդ ամանից, ապա նրա ոտքերն ու ձեռքերը այդ ջրով լվանում էին, իսկ ամանը կոտրում և շարտում: Այսպիսով, հիվանդութիւնը և՛ լվացվում էր, և՛ կոտրվում, և՛ ջարդվում: Վախը կարելի էր թաղել որպես մի իր: Բամբակե թելով չափում էին մարդուն. նախ թելը ձգում էին ճակատից մինչև պտօկը՝ ոտի բութ մատը, ապա թելի կտրած շարունակութիւնը ձգում երկար պարզած ձեռների մի ծայրից մյուսը, առաջին ուղղութեանը խաշաձև, և այդպիսով այդ խաշով բռնում էին հիվանդի վախը, ապա թելերը փաթաթում մեղրամոմի մի կտորի հետ և կծիկ դարձրած ննջեցյալի տերերից ծածուկ կոխում դիակի ծոցը, որպեսզի նրա հետ թաղվի նաև այդ խաշաձև կապված վախը:

Վախի պես գերեզմանի մեջ կարելի էր թաղել նաև այլ տկարութիւններ, օրինակ՝ շերտութիւնը: Չբեր կինը թռչում էր մի քանի անգամ բաց, դեռ դիակը չամփոփած, գերեզմանի վրայով, կրկին ննջեցյալի տերերից ծածուկ:

Հիվանդութիւնը կարելի էր ֆէրէլ: Հաճախ գործադրվում էր հիվանդին մի օղակի՝ մի ծակի, մի բացվածքի միջով անցկացնելը, հիվանդութիւնը նրա վրայից ֆէրէլու, սրբելու, հանելու նպատակով: Այսպես, կուփված երեխային անց էին կացնում զանազան եղանակներով կազմված օղակի միջով: Պետք է զարմանալ ժողովրդի ցուցաբերած հնարագիտութեան վրա, որը հասնում էր, օրինակ, նաև այն աստիճանի, որ աղբակույտի մեջ արհեստական առաջացրած ծակի միջով անց էին կացնում շարունակ զույգ երեխա ծնող կնոջը, մի այլ անգամ՝ կապույտ հագ ունեցող երեխային: Վերջինս անց